

**Bosna i Hercegovina**  
**Federacija Bosne i Hercegovine**  
**Tuzlanski kanton**  
**JU Služba za zapošljavanje TK**  
**Tuzla**

Broj: 01-11-4-304-4/23  
Datum, 24.03.2023. godine

Na osnovu člana 70. stav (1), (2), (3) i (6) Zakona o javnim nabavkama („Službeni glasnik BiH“, broj: 39/14 i 59/22), člana 4. stav (1) Pravilnika o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“ 2/23), preporuke Komisije za javne nabavke utvrđene u Zapisniku o pregledu i ocjeni ponuda broj: 01-11-4-304-3/23 od 22.03.2023. godine, člana 21. Statuta JU Službe za zapošljavanje TK broj: 01/1-1-45/2-17-1 od 26.09.2017. godine, broj: 01/1-1-45/2-17-1/19 od 19.08.2019. godine, broj: 01-02-541/P-5/19-4 od 21.01.2020. godine, broj: 01/1-04-379/21-3 od 10.06.2021. godine i broj: 01/1-04-1-429-9-3/22 od 19.07.2022. godine, u postupku javne nabavke usluga fizičke zaštite ljudi i imovine v.d. direktor-a donosi:

**O D L U K U**  
**o izboru najpovoljnijeg ponuđača**

**Član 1.**

Za najpovoljniju ponudu za usluge fizičke zaštite ljudi i imovine bira se ponuda ponuđača **Soko doo za pružanje usluga zaštite i obezbjeđenja ljudi i imovine Tuzla** sa ponuđenom cijenom od **20.486,36 KM bez PDV-a**.

**Član 2.**

Po pravosnažnosti ove Odluke, Ugovorni organ će pozvati izabranog ponuđača radi zaključenja Ugovora kojim će se regulisati međusobna prava i obaveze vezane za predmetnu nabavku shodno uslovima Ugovornog organa navedenim u Javnom pozivu i zakonskim propisima koji regulišu postupke ugovaranja.

**Član 3.**

Ova Odluka objavit će se na web stranici JU Služba za zapošljavanje Tuzlanskog kantona – [www.szztk.ba](http://www.szztk.ba), istovremeno s upućivanjem ponuđačima koji su učestvovali u postupku javne nabavke.

**O b r a z l o ž e n j e**

Postupak javne nabavke pokrenut je Odlukom o pokretanju postupka, broj: 01-11-4-304/23 od 06.03.2023. godine, u kojoj je predviđeno da procijenjena vrijednost javne nabavke za usluge fizičke zaštite ljudi i imovine iznosi 23.931,62 KM bez PDV-a.

Predmetna nabavka je provedena u skladu sa Pravilnikom o postupku dodjele ugovora o uslugama iz Aneksa II. Zakona o javnim nabavkama („Službeni glasnik BiH“ broj: 2/23).

U vezi sa navedenim, Javni poziv u predmetnom postupku, objavljen je na portalu javnih nabavki, [ejn.gov.ba](http://ejn.gov.ba), broj obavještenja: 647-9-2-5-22-11/23 od 08.03.2023. godine.

U predviđenom roku za prijem ponuda, odnosno do 20.03.2023. godine, blagovremeno su dostavljene četiri ponude i to sljedećih ponuđača:

1. Agencija za zaštitu ljudi i imovine, Securitas doo Sarajevo
2. Agencija za zaštitu ljudi i imovine, Sword Security doo Sarajevo
3. Sector Security doo za fizičko i tehničko obezbjeđenje i zaštitu Banja Luka i
4. Soko doo za pružanje usluga zaštite i obezbjeđenja ljudi i imovine Tuzla

Postupak izbora najpovoljnijeg ponuđača za nabavku usluga fizičke zaštite ljudi i imovine provela je Komisija, imenovana Rješenjem broj: 01-30-1-373/23 od 17.03.2023. godine. Analizom naprijed navedenih ponuda, Komisija je utvrdila i u Zapisniku o pregledu i ocjeni ponuda, broj: 01-11-4-304-3/23 od 22.03.2023. godine, konstatovala da dvije ponude ne ispunjavaju sve uslove, a to su:

1. Agencija za zaštitu ljudi i imovine, Securitas doo Sarajevo i
2. Sector Security doo za fizičko i tehničko obezbjeđenje i zaštitu Banja Luka.

Komisija je konstatovala da ponuda ponuđača Agencija za zaštitu ljudi i imovine, Securitas doo Sarajevo ne ispunjava u cjelosti jedan od uslova za kvalifikaciju tražen u tački h) Javnog poziva, a koji glasi (i traži od ponuđača da dostave):

**„Certifikate izdate od strane Federalnog ministarstva unutrašnjih poslova za zaposlenike ponuđača koji će biti angažovani na poslovima fizičke zaštite objekta Službe i za odgovorno lice ponuđača“.**

Naime, Komisija je konstatovala da je ponuđač Agencija za zaštitu ljudi i imovine, Securitas doo Sarajevo dostavio traženi certifikat za lica/zaposlenike koji će biti potencijalno angažovani na poslovima fizičke zaštite, ali nije dostavio traženi certifikat za odgovorno lice ponuđača.

Kada je u pitanju ponuda ponuđača Sector Security doo za fizičko i tehničko obezbjeđenje i zaštitu Banja Luka, Komisija je konstatovala da je ista neprihvatljiva, u skladu sa članom 2. stav 1) tačka l) alineja 2) ZJN, koji, između ostalog kaže, da je ponuda, čija cijena prelazi planirana, odnosno osigurana novčana sredstva ugovornog organa za nabavku, neprihvatljiva.

Imajući u vidu da je naprijed navedeni ponuđač dostavio ponudu čija je ukupna cijena 24.614,40 KM bez PDV-a, a da je procijenjena vrijednost nabavke 23.931,62 KM bez PDV-a,

Obzirom na naprijed opisano, Komisija je konstatovala da ponude naprijed navedenih ponuđača ne ispunjavaju sve uslove i da su njihove ponude neprihvatljive za Ugovorni organ.

Za ostale dvije ponude, ponuđača Agencija za zaštitu ljudi i imovine, Sword Security doo Sarajevo i Soko doo za pružanje usluga zaštite i obezbjeđenja ljudi i imovine Tuzla, Komisija je utvrdila i konstatovala da ispunjavaju sve uslove tražene Javnim pozivom i da su iste prihvatljive za Ugovorni organ.

Nakon što je završen pregled i ocjena dostavljenih ponuda, v.d. direktora su dostavljeni Zapisnik o zaprimanju ponuda i Zapisnik o pregledu i ocjeni ponuda, kao i Izvještaj o radu Komisije, sa preporukom o izboru ponude ponuđača Soko doo za pružanje usluga zaštite i obezbjeđenja ljudi i imovine Tuzla, u postupku predmetne javne nabavke, sa cijenom u ukupnom iznosu od 20.486,36 KM bez PDV-a, a na osnovu kriterijuma „najniža cijena“.

U postupku donošenja ove odluke, posebno su cijenjene činjenice da je Komisija pravilno i potpuno ocijenila kvalificiranost ponuđača, kao i ocjenu prispjelih ponuda, shodno kriterijima iz Javnog poziva za dostavu ponuda te v.d. direktora Službe nije našao razloge nepravilnosti niti propuste u radu, koji bi eventualno bili osnov za neprihvatanje preporuke Komisije za provođenje postupka dodjele ugovora za usluge fizičke zaštite ljudi i imovine.

Naime, u postupku je ocijenjeno da je Komisija pravilno postupila te da je izbor najpovoljnijeg ponuđača izvršen u skladu sa Zakonom o javnim nabavkama, Pravilnikom o postupku dodjele ugovora o uslugama iz Aneksa II. Zakona o javnim nabavkama i uslovima iz Javnog poziva te je odlučeno kao u dispozitivu, odnosno Ugovor o javnoj nabavci usluge fizičke zaštite ljudi i imovine, u ukupnom iznosu od 20.486,36 KM bez PDV-a, na osnovu kriterijuma „najniža cijena“, dodjeljen je ponuđaču Soko doo za pružanje usluga zaštite i obezbjeđenja ljudi i imovine Tuzla.

#### **POUKA O PRAVNOM LIJEKU:**

Ukoliko ponuđači smatraju da je Ugovorni organ u toku postupka izvršio povrede Zakona ili podzakonskih akata ima pravo da pokrene žalbeni postupak u roku od 10 dana od dana prijema ove Odluke.

U skladu sa članom 99. Zakona žalba se podnosi u pisanoj formi u dovoljnom broju primjeraka, a koji ne može biti manji od tri, kako bi mogla biti uručena izabranom ponuđaču i drugim strankama u postupku.

Dostaviti:

1. Ponuđači 4x
2. Sektor za finansije i računovodstvo
3. Odjeljenje za pravne i opće poslove
4. a/a

Pripremila:

mr.iur.Berisa Ahmetović, bach.prava

Stručni savjetnik za javne nabavke i pravne poslove

